

冊上

卷

R2-51

29/2

雜病論講義目錄

- | | | |
|------|-----------|--------------|
| 第一篇 | 藏府經絡先後病 | 即內外婦人科診斷治法總論 |
| 第二篇 | 痙溼喝病 | 即軀壳三陽病 |
| 第三篇 | 百合狐惑陰陽毒病 | 即藏府三陰病 |
| 第四篇 | 瘧病 | 即陰陽氣血病 |
| 第五篇 | 中風歷節病 | 即衛氣病 |
| 第六篇 | 血痺虛勞病 | 即營血病 |
| 第七篇 | 肺痿肺癰欬嗽上氣病 | 即肺藏病 |
| 第八篇 | 奔豚氣病 | 即腎藏病 |
| 第九篇 | 胸痺心痛短氣病 | 即心藏病 |
| 第十篇 | 腹滿寒疝宿食病 | 即脾藏病 |
| 第十一篇 | 五藏風寒積聚病 | 即全體病 |

第十二篇 痰飲欬嗽病.....即上焦病

第十三篇 消渴小便不利淋病.....即下焦病

第十四篇 水氣病.....即中焦病

第十五篇 黃疸病.....即膽府病

第十六篇 驚悸吐衄下血胸滿瘀血病.....即肝藏病

第十七篇 嘔吐噦下利病.....即胃腸病

第十八篇 瘡癰腸癰浸淫病.....即皮膚肌肉外科血潰病

第十九篇 跌蹶手指臂腫轉筋狐疝虬蟲病.....即經絡筋骨外科氣結病

第二十篇 婦人妊娠病.....論五藏血氣病

第二十一篇 婦人產後病.....論六經三焦病

第二十二篇 婦人雜病.....論五藏特殊病

雜病論講義

閩杭包一虛識生氏著

男天白參訂

藏府經絡先後病脈證篇第一

係應申校字

此篇凡六章總論雜病之大旨病理病因病色病聲病脈病證病之因皆從經絡而起而能窮其奧妙合觀經義用之有不能盡者矣故先師曰藏府經絡先後病脈證篇內經也經絡指外而言也先後指傳經病之治法先後而言也

第一章 雜病治法總論

第一節 藏府病治法總論

問曰上工治未病何也師曰夫治未病者見肝之病知肝傳脾當先實脾四季脾旺不受邪即勿補之中工不曉相傳見肝之病不解實脾惟治肝也夫肝之病補用酸助用焦苦益用甘味之藥調之酸入肝焦苦入心甘入脾脾能傷腎腎氣微弱則水不行水不行則心火氣盛則傷肺肺被傷則金氣不行金氣不行則肝氣盛則肝自愈此治肝補脾之要妙也肝虛則用此法實則不在用之經曰虛虛實實補不足損有餘是其義也餘藏準此

按此章先師引內難二經之義作藏府治法之總綱以溫涼攻補之內服藥治寒熱虛實之藏府病

爲主腦蓋傳經之病當審其生傳尅傳數千年聖聖相傳之奧旨久而不替毋敢褻視者實有莫大之靈驗也

四氣調神論曰聖人不治已病治未病不治已亂治未亂夫病已成而後藥之亂已成而後治之譬猶渴而穿井鬪而鑄兵不亦晚乎

陰陽應象大論曰邪風之至疾如風雨故善治者治皮毛其次治肌膚其次治筋脈其次治六府其次治五藏治五藏者半死半生也

七十七難曰經言上工治未病中工治已病何謂也然所謂治未病者見肝之病則知肝當傳之於脾故先實其脾氣無令得受肝之邪故曰治未病焉中工者見肝之病不曉相傳但一心治肝故曰治已病也

八十一難曰經言無實實無虛虛損不足而益有餘是寸口脈耶將病自有虛實也其損益奈何然非謂寸口脈也謂病自有虛實也假令肝實而肺虛肝者木也肺者金也金木當更相平當知金平木假令肺實而肝虛微少氣用針不補其肝而反重實其肺故曰實實虛虛損不足而益有餘此者中工之害也

觀夫列聖經文治雜病總以治未病爲主旨但此對平證虛證而言也若實證則又不盡然故列聖又有急則治標之論又按此論出自內經而景扁二聖各爲發揮難經則言肝與脾之大義此論則

肝病實脾之外且推及肝虛縱不能尅土傳脾亦當實脾制水益火傷金去肝之賊也若肝實而肺虛金雖不能制肝然肝太盛亦能傳肺故曰金木當更相平此又與傷寒一百十法一百一十一法之義同一理也古人作書前人已言者後人不復續贅故二聖之論當合觀之則其法備也

第二節 經絡病治法總論

夫人稟五常因風氣而生長風氣雖能生萬物亦能害萬物如水能浮舟亦能覆舟若五藏元真通暢人即安和客氣邪風中人多死千般疾難不越三條一者經絡受邪入藏府爲內所因也二者四肢九竅血脈相傳壅塞不通爲外皮膚所中也三者房室金刃蟲獸所傷以此詳之病由都盡若人能養慎不令邪風干忤經絡適中經絡未流傳藏府即醫治之四肢纔覺重滯即導引吐納鍼灸膏摩勿令九竅閉塞更能無犯王法禽獸災傷房室勿令竭乏服食節其冷熱苦酸辛甘不遺形體有衰病則無由入其腠理腠者是三焦通會元真之處理者是皮膚藏府之文理也

按先師論軀壳致病三因有內因外因內因因其病由誠都盡矣然治法不以內服而以外治之導引吐納鍼灸膏摩爲主合上節觀之藏府病當內服藥餌軀壳病當以外治明矣下段復論衛生之道修身之道使人內無七情之疾外無六淫之災節食戒色保養其天真何病之有也其以腠理二字結論包括人體生理之深義所謂三焦通會元真之處爲腠者三焦人身上中下三部也元真藏府之精神也腠即肌肉之纖維也理者文理也細胞組織分界之處也腠理二字合而言之即今之

細胞之謂也細胞內含神經故能通藏府之元真也

第二章 望色

問曰病人有氣色現於面部願聞其說師曰鼻頭色青腹中痛苦冷者死鼻頭色微黑者有水氣色黃者胸上有寒色白者亡血也設微赤非時者死其目正圓者瘥不治又色青爲痛色黑爲勞色赤爲風色黃者便難色鮮明者有留飲

此章言望色之法也內經有察目之論及面部分配藏府之說先師但以鼻爲望色之主體非廢內經之法是加增內經法外之法也按古書門類不分今已將色聲證脈另設專書故就原文外不附他說以下亦然

按鼻爲面王屬土五藏之中氣所聚也故五藏之色皆能由鼻而知色青屬木木尅土故腹中痛苦若苦冷者脾陽已敗死證也色黑者水來侮土故有水氣也色黃者土之色也土病則不能生金肺陽必弱故胸寒也色白肺色肺氣不能攝血故亡血也赤色非時火炎土燥必有奇變故云死色赤而目正圓火炎燥液故爲瘥病也又色青肝氣大旺故主痛黑爲腎虛故主癆赤爲風熱黃爲胃燥故便難色鮮明水停中焦故留有飲水也

第三章 聞聲

按聞聲之法雖多總以腎肺三焦爲主腎爲生氣之源肺爲藏氣之所三焦爲司氣之官也

第一節 辨腎氣

師曰病人語聲寂寂然喜驚呼者骨節間病語聲喑喑然不徹者心隔間病語聲啾啾然細而長者頭中病

按腎爲先天真氣之所出由丹田上心至肺然人之呼吸一吸則腹長一呼則腹消也聲音發於丹田者其聲沉而實有餘音繞梁之概發於胸者次之發於喉者又次之若發於腦者其聲益堅有金石之音也今病人語聲寂寂安靜不多言之意也喜驚呼忽然如驚而呼病深在骨節間致如是之沉痛也喑喑不徹乃說話有喑啞不能出口之象病在心隔心膈有痛往往若是啾啾聲音啾啾細而長也病在頭中腦痛之屬也

第二節 辨肺氣

師曰息搖肩者心中堅息引胸中上氣者欬息張口短氣者肺痿吐沫

此言肺氣爲病之病狀也

第三節 辨三焦之氣

師曰吸而微數其病在中焦實也當下之則愈虛者不治在上焦者其吸促在下焦者其吸遠此皆難治呼吸動搖振振者不治

按吸包括呼吸而言也微數在不促不遠之間爲病在中焦然有因熱邪而數攻之卽平若虛者爲

中氣將亡之兆故不治其促與遠皆居於極端地位故皆難治若呼吸以致身振動搖者根本不固故不治也

第四章 切脈

第一節 辨四時脈

按脈隨氣候而變遷古有明訓四時得正脈則平得反脈則病理之常也

師曰寸口脈動者因其旺時而動假令肝旺色青四時各隨其色肝色青而反色白非其時色脈皆當病按脈有應時應症之必要先師以肝之弦脈春令見之爲平然有肝脈之弦亦當有肝色之青及肝證之怒如春時反見秋令白與毛之色脈或脈不對證證不合脈則皆當病也先師雖以四時立論須知色聲證脈亦然也不但一藏之色脈當如是卽同是一病虛證不可見實脈虛脈不可見實證也

第二節 辨氣候遲早不及太過

問曰有未至而至有至而不至有至而太過何謂也師曰冬至之後甲子夜半少陽起少陽之時陽始生天得溫和以未得甲子天因溫和此爲未至而至也以得甲子而天未溫和爲至而不至也以得甲子而天大寒不解此爲至而不去也以得甲子而天溫如盛夏五六月時此爲至而太過也

此言氣候應時有遲早之分及太過不及之異學者不可刻舟求劍食古不化也顧先師特借時譬

證而已觀其冬至得甲子而天溫如盛夏五六月時卽知其冬日亦有暑證反而言之夏天亦有寒病也何今之醫指傷寒必於冬日方有悲夫

第二節 辨前表後裏

師曰病人脈浮者在前其病在表浮者在後其病在裏腰痛背強不能行必短氣而極也

按傷寒病在營衛故脈以皮膚筋骨之浮沉爲表裏雜病病在藏府故診脈當以寸尺定表裏也浮脈在傷寒爲太陽病在雜病浮在前寸則爲表病浮在後尺不能目爲表病乃是少陰裏病也故腰痛背強不能行短氣而極完全腎虧證也先師雖但言浮脈諸脈亦然

第四節 辨陰厥陽厥

問曰經云厥陽獨行何謂也師曰此爲有陽無陰故稱厥陽

問曰寸脈沉大而滑沉則爲實滑則爲氣實氣相搏血氣入藏卽死入府卽愈此爲卒厥何謂也師曰唇口青身冷爲入藏卽死如身和汗自出爲入府卽愈

問曰脈脫入藏卽死入府卽愈何謂也師曰非爲一病百病皆然譬如浸淫瘡從口起流向四肢者可治從四肢流來入口者不可治病在外者可治入裏者卽死

按陽亢之病在傷寒則爲燥在雜病則爲厥陽故其脈沉大而滑實與陽明之燥脈同也此種驟悍之氣傳於五藏無路可通閉塞於裏脣青而身冷血氣已絕其常行之度故死也流入六府六府陽

經也或從太陽汗解或從陽明下解其氣得泄故身和汗出入府即愈也然此但言陽厥陽厥之外當更有陰厥也

第五章 問 證

問曰陽病十八何謂也師曰頭痛項腰脊臂脚掣痛陰病十八何謂也師曰欬上氣喘噦咽腸鳴脹滿心痛拘急五藏病各有十八合爲九十病人又有六微微有十八病合爲一百八病五勞七傷六極婦人三十六病不在其中清邪居上濁邪居下大邪中表小邪中裏槃飪之邪從口入者宿食也五邪中人各有法度風中於前寒中於暮溼傷於下霧傷於上風令脈浮寒令脈急霧傷皮腠溼流關節食傷脾胃極寒傷經極熱傷絡

病證無窮先師以藏府軀壳二綱定之陽病病在軀壳之 頭 項 腰 脊 臂 脚 六種有衛病有營病有營衛兼病三門三六合十八病陰病病在臟腑之 欬 上氣 喘 噦 咽 腸 鳴 脹滿 心痛 拘急 九種有寒證熱證二門二九合十八病也五藏每藏各十八共合九十二百十六病由是觀之凡百病皆有營衛皆有寒熱五藏六府皆能發生陰陽各病也是以頭痛一證五藏六府皆能令人頭痛欬證亦然故內經有言曰五藏六府皆令人欬先師深得其旨者也何後世醫欬專以枇杷葉杏仁蘇子貝母款冬紫苑爲治欬之不二法門也以上爲男女老幼普通之

病證此外之五勞七傷六極婦人三十六病不在其中也按五勞卽五藏之勞也七傷卽食憂飲房饑勞經絡營衛傷等是也六極卽六府虛極之謂也先由勞而後傷傷而後極極則難治婦人三十六病卽篇末婦人胎前產後雜病共三十六證是也清邪天風之類也濁邪地溼之類也大邪六淫之重者也小邪六淫之輕者也六淫之邪挾飲食空氣從口鼻而入者也故曰宿食也

第六章 治法

按治法一門大有火候先後不同表裏各異此章當與傷寒治法章合參

第一節 治表裏之先後

問曰病有急當救裏救表者何謂也師曰病醫下之續得下利清穀不止身體疼痛者急當救裏後身疼痛清便自調者急當救表也

此引傷寒九十二法之文解見原文

第二節 治舊疾新病之先後

夫病痼疾加以卒病當先治其卒病後乃治其痼疾也

按痼疾久病也卒病卒中之外邪也久病之人復中外邪當先去其外邪否則新病不去舊病增重也

第三節 治病當審病人之喜惡

師曰五藏病各有所得者愈五藏病各有所惡各隨其所不喜者爲病病者素不應食而反暴思之必發熱也

按人生之所欲各有所好各有所惡平素所好忽而爲所惡者病也平生所惡忽而爲所好者亦病也平生所好病而爲所惡忽而爲所好者病將愈也平生所惡病時爲所好忽而爲所惡者病亦將愈也又按藥人所惡也有病時飲之不覺其苦反覺其快者此藥必能療病也若藥入口反覺不安者此藥未必有效也此無他卽先師所謂五藏病各有所得者愈是也

第四節 治病當究其源

夫諸病在藏欲攻之當隨其所得而攻之如渴者與諸苓湯餘皆倣此

按治病必究其源若見病治病粗工也輕者或可愈重者必非其所能愈也因風寒而得病者去風寒病卽愈也因飲食起居而得病者亦當隨其病源之所在而治之則一了百當故先師曰當隨其所得而攻之如渴者與諸苓湯餘皆倣此是也

瘧溼喝病脈證篇第二

先師合瘧溼喝三證爲一篇且冠諸證之首按瘧病在筋骨溼病在肌肉喝病在皮膚統屬三陽之軀壳其證爲傷寒而將變爲雜病雜病而仍帶傷寒之性質者也故先列在首篇以作承上起下由軀壳而傳臟腑之意義也按其方劑實有混合三陽經汗下和之意義在內也

第一章 瘧病

瘧病邪在筋骨間之關節拘攣以致項強頭搖口噤背反張脈緊弦是也

第一節 剛瘧

太陽病發熱無汗反惡寒者名曰剛瘧

第二節 柔瘧

太陽病發熱汗出而不惡寒者名曰柔瘧

先師以太陽表實葛根證爲剛瘧之提綱以太陽表虛桂枝證爲柔瘧之提綱按剛柔卽實虛之義也表實證卽剛瘧證表虛證卽柔瘧證也中風表實葛根證本項背強几几無汗惡風今不惡風而惡寒故曰反也中風表虛桂枝證本畜畜惡寒今無惡寒故曰不惡寒也由是觀之葛根證一現惡寒卽爲剛瘧證矣桂枝證一現不惡寒卽爲柔瘧證矣治傷寒者當注意之也

第三節 辨傳經

太陽病發熱脈沉而細者名曰瘧爲難治

太陽表病見少陰裏證爲外邪傳裏亦名曰瘧是瘧病有陽瘧陰瘧也陽瘧易治陰瘧難治由是觀之瘧卽今之所謂厥在傷寒稱曰厥雜病稱曰瘧在陽經曰瘧在陰經曰厥也

第四節 發汗傷表致瘧

太陽病發汗太多因致瘧

表病過汗營陰大傷筋節受邪作強故成瘧病也

第五節 攻下傷裏致瘧

夫風病下之則瘧復發汗必拘急

表病過汗固成瘧下之邪陷於筋骨間化熱灼液亦成瘧病也若更發汗津液愈傷必有校瘧病更重之拘急證矣

第六節 汗傷營致瘧

瘡家雖身疼痛不可發汗汗出則瘧

此節引傷寒八十六法之文成瘧之理解見傷寒

第七節 汗傷衛致瘧

病者身熱足寒頸項強急惡寒時頭熱面赤目赤獨頭動搖猝口噤背反張者瘧病也若發其汗者寒溼相搏其表益虛卽惡寒盛發其汗已其脈如蛇暴腹脹大者爲欲解脈如故反伏弦者瘧

按病者身熱足寒爲衛陽上亢不能下達於足上亢則頭面之陽熱熾下無陽則足寒也頸項強急熱傷經也惡寒衛陽不外達也時頭熱面赤目赤頭搖口噤背反張皆衛熱燥液筋肉拘攣之故之瘧病也然此瘧病非大寒之攻劑無以瀉其熱若更誤汗其液愈涸其熱愈熾其表益虛其寒益惡也夫瘧病爲陽熱內結於經筋其病欲愈表盛者必從汗解裏盛者必從下解今汗之已去其表邪裏邪復從裏而下達脈如蛇行擺動腹忽暴脹者熱邪下達之兆故爲欲解也然脈仍緊弦或反伏弦者其邪不能下達仍爲熱盛之瘧病也

第八節 瘧病順脈

夫瘧脈按之緊而弦直上下行

瘧脈因經脈被熱燥液變硬故按之緊弦寸尺連成一條所以上行下行都是弦緊如琴之強絃狀

第九節 瘧病逆證

瘧病有灸瘡難治

瘧病最忌液燥脈緊弦陽雖盛而陰尙未涸也如瘧病有灸瘡灸則火氣入裏其熱愈盛故爲難治

第十節 瘧病營虛治法

太陽病其證備身體強凡几然脈反沉遲此爲瘧括藁桂枝湯主之

此治表虛柔瘧之法也先師以其證備三字包括表虛諸證也按桂枝加葛之項背強凡几進而爲身體強凡几浮緩之脈反而爲沉遲之脈其邪益深此卽爲瘧病也括藁桂枝湯所以治瘧病者括藁比葛根其清熱生液之力益勝也

第十一節 瘧病衛實治法

太陽病無汗而小便反少氣上衝胸口噤不得語欲作剛瘧葛根湯主之

按太陽病無汗表實證也若津液未竭雖上無汗而下當有小便也今小便不利表裏之液俱枯衛熱上衝胸填口噤欲作剛瘧之象也與葛根湯治之者欲作而未成之治法也

第十二節 瘧病營衛俱實治法

瘧爲病胸滿口噤臥不着席腳攣急必齟齬可以大承氣湯

按此節論營衛俱實化熱燥液之瘧病也胸滿卽心胸悶膈也口噤必齟齬卽牙關緊閉也臥不着席卽角弓反張也腳攣急卽手足抽搐所謂諸吊者是也然此大承氣攻陽實證之方也若陽虛證則又非四逆莫救矣今小兒之急緩驚風卽古時之陰陽瘧證是也

第二章 溼病

溼病在肌肉之間外連肌腠內連關節其證身黃身體關節疼痛小便不利短赤舌胎厚甚則胸滿